



欽定皇輿西域圖志

ル 5
104
3



欽定皇輿西域圖志卷首三日錄

所錢文
有物那

天章三 恭奉

元旦試筆

降旨免陝甘兩省正供並積欠詩以紀事

新正瀛臺小宴御前藩王大臣及漠哨靶爾

故大學士黃廷桂輓辭

降旨加賑甘省被災州縣詩以紀事

述懷

賜將軍兆惠書扇

凡 5
104
3

欽定皇輿西域圖志卷首三
天章三

賜副將軍富德書扇

軍書

元正太和殿朝會庸作歌

降旨免甘省辛巳年正供詩以紀事

邇日

御午門受俘馘

瀛臺曲宴外藩

新正恭奉

皇太后幸圓明園卽事

上元前二日萬壽山賜親藩及諸回部宴詩以紀

事

上元夕恭奉

皇太后觀燈火

燕九日作

太液池泛舟卽事

恭謁

孝陵

恭謁

景陵

二月廿一日恭謁

泰陵啟蹕疊乙亥韻紀事

將軍兆惠富德差乾清門侍衛來請安詩以賜之
恭謁

泰陵

二月廿七日郊勞出征將軍兆惠富德及諸將士
禮成紀事

三月朔日御殿定邊將軍兆惠副將軍富德等率

成功諸將士朝謁詩以紀事

上巳日凱宴成功諸將士

射八韻

駐防葉爾羌大臣阿里衮等奏報諸回城於三月

下旬得雨詩以誌慰

八月十八日恭奉

皇太后木蘭行圍啟蹕之作

九月朔日作

塞宴四事

木蘭迴蹕至避暑山莊作

射

萬樹園賜宴卽席得句

萬樹園觀燈火

奔藏西師俘獲軍器於紫光閣詩以誌事

有序

武成殿作

尊藏得勝

靈燾於紫光閣詩以紀事

有序

紫光閣寫功臣像及諸戰圖畢集讌落成爰賦六

韻仍疊四章

有序

紫光閣曲宴外藩並回部詩以誌事

戰圖補詠

有序

爆竹千門達曙鳴 鞠陵初旭耀晨明 土爰稼穡資豐

稔木盛春陽肇發生 南北東西共文軌 京垓億兆願

康平金川耆定溯前已 平定金川乃已年今歲又逢

已實幸理紀之符願遂武成 慶之 仝叶貞符聽凱聲

降旨免陝甘兩省正供並積欠詩以紀事

西海有征師卒未得息事 屈指軍興來屆今凡四歲

準夷則蕩平逆回尙稽繫國威 屬觀瞻欲罷焉能置

厚集我軍容益勵我士志 乘春期一舉永靖遐荒謐

叶 肅涼近接邊輓運最勞勩 連年免正供預豁庚辰

逮復思陝連甘豈無所波及 叶 體察將並寬降旨付

連帥其餘雜欠項概免 大施惠肯因討小醜而傷我

元氣申命良有司推行俾均被

新正瀛臺小宴御前藩王大臣及漠咱吧爾

運斗屠維單闕迴順時行慶合瀛臺 千羣尙可冰嬉

試三接都教春宴陪屏翰 何妨廁蔥嶺歡娛齊說到

雲來鵠塲晴靄因觀討 是日發十五矢中十三蓋外

以射獵之事彼更樂亦畏服 示遠寧徒好樂哉

故大學士黃廷桂輓辭

華鐙廣樂正陳時扼掣驚聞辰尾騎

慈慶朝儀難並輟強酬節物淚雙垂

屈指軍興逮五年儲胥事事合機先

凡軍需事宜有經朕先時規畫

而傳諭批示甘肅尙未奉到者及郵牘至無不適相照合

宜惟良弼蒼生福痛惜

摧心敢問

天

馬利軍行粟賑民彌留兩事尙諄諄

遺疏內深以調飢馬匹及地方

賑卹諸務籌辦未竟爲憾覽奏盡傷不忍終幅

鞠躬盡瘁今誠已葛亮而來

此一人

運籌力疾尙勞心驛館誰爲下鵲鍼

時以督辦軍需赴涼州雖抱病

日劇猶勉力視事邊地素少良醫經布政使蔣炳奏聞卽命福隆安挈御醫前往診治甫行而惡耗遽至

可勝悼賜賻行將歸故里椒漿寫痛定親臨

封疆歷三十餘年公正廉明衆共傳

皇考時臣所餘幾鼻酸然復思愀然

降旨加賑甘省被災州縣詩以紀事

有序

甘涼爲西陲轉饟孔道土瘠而風醇其民受直執公旬惟謹給復蠲逋之詔歲旣數下其偏隅以薄稂告者廩餼優卹訖於夏五顧念時未登秋節方

居閨心有懃焉申命貸之牛種仍予展賑三月庶
幾綏我蒼赤資彼青黃卽事攄懷以當咨牧

涼肅窮邊末鮮逢溫飽家何當運餉苦更抱被災嗟
討逆非容已思艱詎有涯罄征明歲預繼賑到秋賒
不窘寧無窘雖加再可加所希歌載戢萬戶樂休嘉
述懷

勤遠非本意乘時賴

天佑子曰有禦侮子曰有奔走準夷永蕩平敢詡武德
茂黃緣討逆回戰勝頻捷奏重賞實未惜神勇亦屢

邁逼巢堅城下強努致逗遛羽檄繼進軍重圍急援
救夾攻士氣張况當疊破寇肉薄豈不易傷衆予心
疚以此令稍戢齊力圖其後惟是閱時久待秋乃功
就枕戈衆効忠擊鼓吾哀鬪焦勞分所當萬方均在
宥厘彼此詎忘乾惕惟益懃

賜將軍兆惠書扇

火嶺炎蒸劇將軍未解鞍國威揚萬里臣節率三單
贈獎赤心篤持同白羽看黃香思漫引存問悉平安

兆惠母年高
時遣人存問

賜副將軍富德書扇

師進和闐路擣虛事夾攻恩威僕僮識甘苦伍偏同
推解厘予念馳驅勵汝忠箠頭題句贈回部播英風

軍書

軍書清曉到兩回城已定

葉爾羌喀什噶爾兩城更以十

數計皆已賦役及建置惟將軍所令

將軍兆惠等既

傳檄而定請酌定賦役視晴雨丹策凌時徵取之數分別以

有差并定錢制廣圍銖兩正面用天朝年號而以

名同字附之於背其建置官屬自三品至五六品逃雖有挈捨而來相迎詢以所去方乃無可投境

叶

軍中得回人詳詢逆賊潛逃跡踪云初議投安集延

既懼為布魯特劫掠繼又得拔達克山伯克回信以

塔益噶噶地方或就彼竄入塞爾古爾土城苟延殘喘

計大兵一經圍壓邏騎遮其前大軍逐以競此舉或

成余載戢載橐詠佳兵詎得已討逆惟義勝藉衆集

大勳盟獨欽

天命

元正太和殿朝會庸作歌

晨參晝食肅朝儀正殿春融赤羽旗考夏綜周原舊

典戛球舞籥迓新禧十年一舉寧為數

舉行庚午以平定金川又朕四旬之慶故一舉行茲
西師武成綏服回部拔達克山安集延哈薩克布魯
特皆稱臣入貢兼值五旬大慶故命循例宴饗萬國來同倍切寅吏治民生

厘宵旰問方詎止藉斯時

祥光瑞葉玉樓樓慶恰占年景福禔者定不期徠默

克安和惟是洽羣黎漫陳漢殿魚跳水却聽天方鳳

奏西時將軍兆惠自葉爾羌得回部樂奏送適至因
命於大饗所陳之部未肄之其器有大小鼓簫

管提琴洋琴之屬其伎有倒
刺都盧及承盤轉磔之屬簪筆誰成元會賦持盈

應悉敬彌躋

降旨免甘省辛巳年正供詩以紀事

邊省民風淳是予亟嘉眷師旅所由經能無勞郡縣

連歲免正供給值酬輸轉遇災仍賑恤閭閻期惠遍

卽今縱武成休養寧當緩叶預免循向例去歲卽預
免今歲正

供初春頒渙汗惠心勿問吉助陽實政見

遍日

武成歌振旅長途歸凱軍汜勝占三白積玉遍騰鱗

邇日更有喜次第奏章聞王畿固普被河南北亦均

於東逮登萊於西則晉秦江浙及荆襄盈尺報鋪銀

深消遺蝗種淨蠲癘氣氛兵後不易值何修沐

天恩敬勤惟益黽遑敢忽笑頰休養恆願額慶同吾民

御午門受俘馘

函首霍占來月竊傾心素坦款天閭理官淑問寧須
試驟騎窮追實可臧西海永清武保定午門三御典
昭詳從今更願無斯事休養吾民共樂康

瀛臺曲宴外藩

仙臺曲宴荅詔年舊典惟遵憶悽聯北漠戶庭真密
邇西瀛裘帕許參連蒙古王公等朝正來者賜以曲
宴歲以為常令歲並令回部來

使入席且奏回樂兜離歌與任僭舞拔達山將安集延近悅
遠來寧易易側身基命益乾乾

新正恭奉

皇太后幸圓明園卽事

西山積素喜迎人今歲詔春果是春振旅三軍前後
接朝天使者到來頻時諸部並遣陪臣入觀安集延
使陀克塔嗎特等拔達克山使
額穆爾伯克等已先後與宴而布魯
特所遣西拉噶斯等亦即日抵京 迺疏率與光明
耀勞徠猶宜燕衍申略得對時博

慈豫

壽徵福履自駢臻

上元前二日萬壽山賜親藩及諸回部宴詩以紀事

萬壽山光隔歲看初韶行慶駐鳴鑾朱琴儀鳳調伶史翠釜供羊出大官詩孰蔡襄詠嘉祐節同景德宴蒲端何期戎索茲開拓敬保金甌永乂安

上元夕恭奉

皇太后觀燈火

樓頭歲歲奉

慈娛今歲

慈娛勝且殊樂聽侏離復儻侏舞看跳劍與都盧明燈

忽綴千珠網翠火全張

萬壽圖所喜

萱階紓念切敢誇蒲海奏功膚

燕九口作

七日燈宵一日餘

自十三日放燈至十九日收燈共七日

樓西婪景醺

渠胥纏頭羣喜瞻天表挺臂何妨挽月虛

是日令肆馬上市諸技

畢復親率近侍諸藩較射命矢壘中俾回使觀之蓋外夷所重惟武燈宵百戲彼雖愛觀不至如此驚服

也慶節發陽原典故騰輝吐焰尙龍魚新年百務咸
亨順為去聲是矜矜益凜予

太液池泛舟卽事

錫宴花門備禮容乘閒蓬島泛游龍舟名仍攜帕首俾

同樂所喜葵心總致恭春水生來蘭葉細霽烟低處

柳條濃西瀛試問為何若道是奚如天上逢

半月韶光爾許殊冰消滌沆水平湖更逢雨霽祥暉

候可喚仙遊碧海圖理趣鳶飛復魚躍生機白芷與

青蒲對時懷遠胥和順益凜虧盈奉化樞

恭謁

孝陵

隔歲我來東

珠丘敬告功

衣冠天浩渺松柏歲青蔥凡此封疆拓永維

庇蔭蒙蓋臣皆努力幸與創時同

恭謁

景陵

西域已班師

東陵展祀宜闢疆二萬里奏績五年期
默默深叨佑悽悽更益悲敢云成

祖志

祖志注今斯

二月廿一日恭謁

泰陵啟蹕疊乙亥韻紀事

東歸既歲

祀西來緣上

陵啟蹕疊舊韻往事迴憶生

舊作有命師奠西極有

逆

者畢掃穴順者胥來庭展謁叩

默佑首頓駐翠旌拓疆萬餘里告功五易星郊勞循

祖典卽看舉回程

將以二十

六日

告功禮成旋蹕

卽於翌辰詣良鄉縣南迎勞其築壇張幄列轟

將軍兆惠富德差乾清門侍衛來請安詩以賜之

數年萬里未爲遙遙在將逢隔五朝却爲勞儀待旋

蹕

時將軍等凱旋近郊擬以二十

七日

如三秋念轉無聊

恭謁

泰陵

質明峯樹辨

陵園趨謁

松宮冠劍存敢曰

志成蕩鹽澤亦云功定靖花門凡茲萬里遐宣武總荷

九天默佑恩二十五年如一瞬

鼎湖迴憶痛難言

二月廿七日郊勞出征將軍兆惠富德及諸將士

禮成紀事

京縣郊南親勞軍

園壇陳

燾謝成勳出師本意聊嘗試

西陲之役始於厄魯特諸台吉率眾款附請兵

甚力我略爾略牧圍勢不可以錯處滋患無宐及鋒而偏師嘗試特計因其地以撫之故準夷既平而

之典概未舉行謹具乙亥告成碑記茲準夷既平而

非敢謂先時也奏凱今朝備禮文釋甲戩戈罷征伐論

功行賞策忠勤膝前抱見詢經歷

國朝舊制凡出征將領成功還者行

抱膝跪見禮以示一瞬五年戚以欣

同心萬里那睽違畢竟歡言賦采薇勇將歸來兼福

將黻衣著得解戎衣漫稱偃武修文日恐卽嬉文恬

武機飲至寧誇暢和樂持盈益勵慎幾微

三月朔日御殿定邊將軍兆惠副將軍富德等率

成功諸將士朝謁詩以紀事

黃麾簇仗正衙排奏凱來朝樂孔皆脫劍釋冰搖玉
珮卷班按隊叩金階幸逢耆定干戈戢况值熙和風
日佳范士燮言予敢忘惴矜保泰是長懷

上巳日凱宴成功諸將士

有序

筵開飲至剛逢禘飲之辰苑啟瀛臺恰奏濛瀛之
績於時上公晉學青郊解甲初還蕃長敷茵黃幄

纏頭列侍宮懸陳百部將回中樂府齊登錫爵徧
三巡以閣上圖形爲次詎因詔挾纊投醪之惠期
得杼推心造膝之忱且食刀闐壁偕來包甌宜酬
其効順而紫綺朱提並賚簽名合第彼成勞從茲
凱宴遐宣足使天堂知樂是用寅承永切毋忘月
朏依光非矜七德升歌爰藉八章紀實
出勞嘉勳葳禮旋昇平凱宴液池堦闢疆掃逆誠資
衆助順成功總賴

天策績林林恩予厚詢勞一一命來前寧惟云不重生

望祇覺迴思越悚然

日麗風和春未深獎庸備禮有壬林試看偃伯靈臺
上詎數流觴曲水潯命預綺筵排伯克也陳夷樂奏
任禁笑聆蜀伎無情者那覺西悲動乃心

圓幕高張榆柳垂犒筵喜值禊修時策勳舍爵竟今
日鬯武書常允不期誰擬浯溪泐崖頌我歌靈夏出
車詩紫光將畫凌烟像西師威成大功自元臣及在
事將軍參贊禁衛統領諸臣

第其勳績懋著者命工
圖形紫光閣以崇獎勵穆棣同叨

乾貺貽

成功將士錦衣旋日月光輝軍氣蠲藉我虎臣典宿

衛笑他杯酒解兵權將軍兆惠副將軍富德既以酬
庸晉爵均命為御前領侍衛大

臣宋藝祖權術駕馭
夙所鄙故戲及之八旗子弟心如石萬禩國朝龍

荷

天宣看瘡癥猶未愈

三等侍衛綽克圖巴圖魯恩特驥
勇過人臨陣不避鋒鏑今預宴賜

酒時撫其額傷猶
未痊復為之惻然能無一體痼瘵連

柳舒花放正良辰上日前期福履申三月三日為上
巳然是日始戌

申故卸甲韞弓盡鳧藻凹晴豐額集魚鱗千秋難遇

太平宴百戰歸來義勇身獨憶儲胥宣力者故大學
士黃廷

桂綜理軍儲調遣諸務備殫忠勤未及武成蓋焉先
逝故前賜詩有奪我賢臣何太劇不教留看凱歌迴

之句 凱迴未見惜斯人

敦瓜烝栗允堪憐二萬何期竟拓邊遠愧周王興六
月遲過殷帝克三年伊楊霏雪凡經幾立幟登弧盡
陷堅此日征夫真邇止皇州春滿七條絃

拔達山人獻馘歸三軍飲至藹晴暉勞心幸我紆宵
旰公道憑伊論是非紫綺朱提頒渥澤前歌後舞迓

鴻襪歡來憶不同來者軍興以來我大臣將弁等咸

濟之叛如將軍公班第參贊伯鄂容安遇晴雨藏多爾

都統唐喀祿聽沙拉斯嗎斯之詐者如都統滿

福至遇回會和卓木之叛如副都統阿敏道前鋒統

領鄂實副都統三格侍衛特那木扎爾參贊侍郎三

命在途猝遇亂賊如將軍伯那木扎爾參贊侍郎三

爾璘綽爾圖魯侍衛中能以死勤事秉節捐軀雖加恩優

子旌卹而當功成飲至時迴勞爵手持淚暗揮

天行從來悟得受招理虔鞏流謙慎捧盈

射八韻 有序

門啟賢良掄材式資觀德階陳蕃部肄武兼示柔

金定皇朝西域圖志 卷首三
遐爰循聽政常程庶愜依光夙願耦聯十五子臣
之鵠並張雋獲疊雙齊夏之規胥叶以身先爲則
詎詡穿堅扎七重俾目擊而存共喜侍長楊百步
將告成功而匪懈益遵

先制以彌勤華林百戲異靡文差不負春園日永壁上
一觀同壯志鎮毋忘朔塞風清
勅幾協九經量職授明廷志敢懈者定治惟求永寧
大蒙胥列侍中國式儀型繁弱月觀魄四侯星寫形
韶音鳴未已鵠影落無停擅巧非誇已綏遐所適丁

由來重弓矢庶以鬯聲靈

赫濯於昭在欽惟
懿訓聽

駐防葉爾羌大臣阿里袞等奏報諸回城於三月

下旬得雨詩以誌慰

有序

諸回城旣隸版圖人忻復業駐防大臣循行勸墾
插蒔方興而三月二十一日二十二日兩晝夜甘霖
大沛葉爾羌喀什噶爾和闐洋阿雜爾同時霑渥
回人忭舞款告詫爲希有阿里袞等以聞回湟古

稱艱澤之鄉比歲復苦逆會蹂躪茲獲

天仁降鑿槁壤頓蘇視前此師行瀚噴嘉澍應時均深

感荷因欽

鴻貺載紀長言

蔥嶺火州致艱雨一犁

天澤沛今春灌田不藉穿渠力利穡都欣纏首人校尉

方將設戊巳

神農未始禱庚辛遙遙萬里祈年望敢詡休徵益敬

寅

八月十八日恭奉

皇太后木蘭行圍啟蹕之作

每歲金秋舉獮苗悠悠旌旆馬蕭蕭承

歡內外都無間繩

武觀揚亦孔昭示法子孫從啟蹕每歲木蘭行圍諸皇

也隨圍賓客扈來朝今年蒙古諸賓客以祝萬壽新

攜回部鵠師赤回部霍斯等皆令隨圍彼中放雕

謂之錫保高處興安試放雕鵠宜於高處就下放

赤之類
重若回部厄魯特
則以此為重云

九月朔日作

秋季惟朔旦塞圍第一場千山歛雲氣萬樹絢晴光

迴嚙鴻網合深溪魚貫長咸賓逮回部入觀之都爾伯特親王策

凌鳥巴什等向會預觀塞圍其回部會長霍集斯伯

克霍什克伯克等以賜爵留居京師並屬橐鞬從獵

則自今執役有名王舊扎薩克王公台吉等率所

遠繩 先切詰戎寓意良寧當懈幾務獵罷閱封章

塞宴四事

詐馬

詐馬為蒙古舊俗今漢語俗所謂跑等者也然元

人所云詐馬實咱馬之誤蒙古語謂掌食之人為

咱馬蓋呈馬戲之後則治筵以賜食耳所云只孫

乃馬之毛色即今蒙古語所謂積蘇者是亦屬魚

魯茲扎薩克於進宴時擇名馬數百列二十里外

結束鬃尾去羈韉馳用幼童皆取其輕捷致遠以

鎗聲為節遞施傳響則眾騎齊騁羸馱山谷騰躍

爭先不踰晷刻而達掄其先至者三十六騎優賚

有差所以柔遠人講武事也

名王詐馬存遺風獻筵備陳表敬恭廿里以外列駿
驄置郵傳命聽發蹤宣教施銃星火紅連聲遞令頃
刻通砰磕萬雷忽落空翩若驚鴻逸若龍雲屯颺歛
倒呂洪旁唐閃霍復春容振林駭谷躡昇巖平沙草
軟淨塲墜馱馱束尾縮其鬣輕方致速騎以童捷足
獨出傑且雄選三十六惟良駭按第行賞務從豐只
孫古俗想像中和樂還因寓詰戎

什榜蒙古樂名用以侑食今俗所謂十番或因此

楊萬里詩有全番長笛橫腰鼓一曲春風出塞聲
之句蓋樂曲名番本塞外語而傳譌耳其器則箏
管箏琵琶阮火不思之類將進酒輒於筵前鞠脰
奏之鼓喉而歌蘇羅赴節有太古之遺音焉
平原擇向圓幕張酪酥乳酒湘黃羊名王捧觴起上
壽較漢公卿禮數詳渾撥四火不思曲長朔管如鞭
吹鳴羽發徵氣內運叩角動商響外披初奏君馬黃
大海之水不可量曲首繼作善哉行無貳無虞式穀友
朋誰云朔漠無古樂絕勝鄭衛爲新聲我惟中外一

家用聯上下情亦不侈談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以是練習健士謂之布庫蒙古語謂之布克脫帽短襟兩兩相角以搏踣仆地決勝負勝者勞以卮酒卮魯特則袒裼而撲雖蹶不釋必控首屈肩至地乃爲勝彼嘉其壯賜之羊臠則拱臂探掬顧盼吐吞聲若飲歡其舊俗如此因以示惠云

健兒揜袖短後衣席前相撲呈雄嬉押拖拘拉矜矜棋踉蹌踉蹌且蹙乘間伺怠出以奇恧然躡蹶力不支勝者賜酒踞飲之別有卮魯均新附其撲法乃異舊部露身赤脚惟著袴撇捩踣空拳赴失計忽仆伏地據騰跳翻作康王跨兩肩著地頭倒豎方得謂之決勝負勝者揚揚意實歡負者反求微覩顏宣傳典屬呼來前上方肥羊出廚盤長截碩臠如舉山七箸不設俛恣餐誰識不足君所言快哉大嚼真壯觀豈對屠門空望懸跪振雙臂攫相搏右哆左噏直下咽倏似長鯨吸百川意氣自若殊昂軒均令染指

果腹便小哉食肥張齊賢是蓋衛拉衆俗傳示恩獎
勇一試旃食罷命前面詢焉弗茲食者閱十年據云
爾自喇嘛達爾扎構毀以來日就凋
做不得如此飽啖者十年於茲矣

教駝

教駝攻駒周禮雖載然後世僅知攻駒而不能教
駝蒙古則熟習其法謂之騎額爾敏達驛馬三歲
以上曰達驛額爾敏則未施鞍勒者也每歲扎薩
克於所部驅生馬多羣至宴所散逸原野諸王公
子弟雄傑者執長竿馳繫之加以羈韉始則怒騁

賊趨或豨突人立嘶嚙雷殷馭者騰趨而上控掣
自如須臾調良率得名馬

二歲爲駒不勝鞍三歲爲駝始堪教夏官庾人早失
傳未若朔漠存古調扎薩戲宴必備觀分羣別色陳
平原瓊廬賜食較撲罷按轡一覽同名藩名藩子弟
皆吉服上馬執竿好結束馭生馬者必馳騎逐之顧

其以上以爲控繫 毳來萬錦欵披前光采陸離紛奪目
俗名套馬竿 薄言駟者有驕皇驛騏駼駮駮駮黃繫之維之取傑
驚縋絆未及先跳梁齧草飲水本天性韉鞞乍拘自

覺病驚軼狂擲詎能無處之以暇堪力勝牽來蹠蹠
人爭騎驀跨那待羈馬施擢足軒立忽落地翻身騰
鷗捷於飛盡態極變不可狀驛突雄驅若翻浪毛龍
逸虎旋就馴人有餘閒據馬上馳驟寧供耳目娛駃
騃駮耳中掄諸憑閱考牧悟至理不教而成事所無
木蘭迴蹕至避暑山莊作

鹿期促駕駐兩日塞上行圍倏又迴美土如斯可漫

去遠人爾許况携來時同部郡王霍集斯伯克等自京隨駕都爾伯特親王策凌烏

勒巴什等以入觀扈從秋蒐而哈薩克陪臣都勒特赫勒等亦赴木蘭朝謁既命觀圍並携至山莊錫宴

從容宴樂應教預假借清涼得久陪繩

武惠遐綿奕葉山莊嘉兆自

天開

射

射是朝家夙所長承平遊豫那宜忘携來新附控弦
部駐此

當年避暑莊親御矢弧聊示度數班幣帛用旌良樹侯

疊中休稱頌是日發矢二十七中十之九破的者六及易小鵠復連中舊部新蕃暨哈薩克

陪臣侍觀者無不喜躍稱異 敬仰

前猷敢不禮

萬樹園賜宴卽席得句

小陽春旭暖溫暾今日筵開萬樹園屈膝捧觴逮鹽

澤纏頭式禮厠花門同部郡王霍集斯伯克等敢云

一已承

先烈或可千秋示後昆坐有鑿鐫如舊僕偏稱兩度沐

深恩策凌烏巴什等以甲戌夏入覲曾宴
賚於此今入舊扎薩克之列賜坐

萬樹園觀燈火

巖風傍晚淨魚鱗東望鍾峯挂壁輪塞卽京華林卽

上燈原嘉夜月原春千枝蠟鳳燃銀樹百道星虹落

玉津義寓光明輝召爽寧云誇示遠徠人

弄藏西師俘獲軍器於紫光閣詩以誌事有序

幕庭收絕域運翊風雲臺閣應中台圖兼將相軍

儲森列旗常已炳上方陣獲便蕃仗械胥登武庫

甲函青瑣得自前驅脫胄之時鎗委綠沉出諸後

隊伏敬之會貫矢詎來肅慎應知貳負先僵佩刀

疑壓赫連早識溫禺久覺掃蚩尤之長彗還帶鼂

纓轟尸逐之鋒車曾資鉛彈凡此勳銘百戰無須

漂杵矜奇方當績著九功用藉包戈紀實云爾

高閣巍巍表蓋忠彝藏俘獲類從同戢干橐矢肆時

夏奪鎧舉旗藉衆功信可傳神留百世靈稱屈指數

三雄器書名例太常紀甲冑旂纛之類孰所獲者一各書名其上以誌永久

善吾惟憶莫窮

武成殿作

紫光閣後殿因額武成名千載丹青貌五年宵旰情

被

天恩獨厚資衆力斯誠那更生餘望迴思幸以驚

尊藏得勝

靈燾於紫光閣詩以紀事

有序

亭郭靖金牙威宣載旆燧烽銷洱海德表結旌爰

開高閣以圖形并奔

靈旂爲守器原夫一麾臨闔外彌文不侈

馮襪七宿炳

壇中壯志初傳鏡鼓方過祁連而壓陣千山風鶴騰

聲更驅疏厲以揮軍百部沙蟲掃跡昔也緬李程

刁斗遜是森羅今焉輝褒鄂弓刀逾其英特彼龍

堆邈矣詎惟銅柱齊標而虎紐纍然合與金符同
譜從此電霜生色匪徒充武庫之儲還將日月承
華庶永隸奉常之掌
麟閣圖形例紫光大師
靈燾並尊藏招搖伊古資
神佑功績從今紀太常信是元戎篤忠悃肯忘羣力
効疆場持盈知足懷
乾貺敢復佳兵恃盛疆
紫光閣寫功臣像及諸戰圖畢集讌落成爰賦六

韻仍疊四章

有序

勳標偃伯烟銷濛汜之氛蹟炳圖形雲擁趨陂之
勝時則掄偉績而系贊先教褒鄂傳神逮一善亦
臚名乃屬鄒枚紀實匪詡天經地緯恰符五數之
重真逾漢史唐書能觀百賢之萃且聚米狀山川
阨塞壁間八陣常存而列星占旌燾飛揚磧裏參
旂盡掃試按昇平王會詎惟萬里而遙爲思宵旰
軍書何幸五年式集昨者歸而飲至行觴趁上巳
良辰茲焉落以慶成展席繼先庚嘉宴凡在股肱

心膂藉國家翊運多才應知竹帛旂常承

天

祖垂庥永靖維億載綏遐有象已被丹青予一人持滿

彌殷長鑄金石

閣就勝朝址見日下圖標昭代勳格慙虞帝羽數過

漢時雲閣中圖功臣像勳績顯著者五十人朕親製題贊餘命儒臣擬為者又五十人視雲臺二

十八將不啻倍蓰

大造無私佑諸臣實盡勤五年勞突將此日幸休軍有

覺上林表斯干液水瀆落成緣戢武錫宴重去聲摛文

建置惟旌績運籌匪詡勳永期紀勞勩寧為去聲賞煙

雲保大

天垂貺開遐子敢勤帑原出內庫督未命將軍掄武駐

冬日每科武殿試例于閣下慶成臨沼瀆詰戎求

世德

寶訓揭鴻文恭讀太宗聖祖世宗實錄中飭武備懲晏安為萬世大法者敬勒石

閣中以昭彝訓

伊犁征不戰五月已成勳將謂業安石誰知事幻雲

驅馳常厓遠孽畫不辭勤最恨庫車轍深虞黑水軍

事均見歷年詩章 轉旋叨

吳粹仍執竟淮濱始末親籌筆其觀勒壁文

經畫西師前後所製

詩文於成功端委運籌次第綜彙刻石壁間示誌實也

衛拉勞

前列

厄魯特舊謂之四衛拉特

重華與

放勳敢云成不日惟凜望

如雲載先

去聲

傳柑宴允嘉荷戟勤歸春舞干旅洗雨伏

波軍風懶中和樂冰酥太液濱賡歌鴛鴦侶可以共

論文

紫光閣曲宴外藩並回部詩以誌事

值歲外藩入覲顏新增伯克序年班四方來賀誠非
易三接推恩未可刪筐篚兩廂頒等第魚龍百戲鬪
斑斕西師繪壁思羣力敢曰折衝尊俎間

戰圖補詠

有序

西師定功於己卯越七年丙戌戰圖始成因詳詢
軍營征戰形勢以及結構丹青有需時日也夫我
將士出百死一生為國宣力賴以有成而使其混

金分事傳四城圖志卷首三
滅無聞朕豈忍爲哉是以紫光閣旣勒有功臣之
象而此則各就血戰之地繪其攻堅斫銳斬將搴
旗實蹟以旌厥勞而表厥勇爾時披露布已有成
詠者卽書之幘間其未經點筆者茲特補詠凡六
事禮不云乎聽鼓輦之聲則思將帥之臣撫是圖
也有不啻若彼之感先是宵旰勤勞雖日神馳於
連營列陣之間此則目擊心存竟如指揮諸將士
於折衝禦侮之際而痛定之懼予惟益欽

天眷於無窮凜月盈於有永遑敢自詡坐謀伐赫濯而

忘兢業哉

鄂壘扎拉圖之戰

丙子冬將軍兆惠聞準噶爾宰桑等煽亂自濟爾
哈朗移兵甫至鄂壘扎拉圖突遇達什策凌等賊
衆無算因乘其不備夜出衝殺殲千餘人爾時噶
爾藏多爾濟扎那噶爾布等渠酋會兵邀歸路連
戰不退兆惠等且守且進適朕所遣圖掄楚等援
兵至并力夾擊賊始解圍遁去我軍全隊迴至巴
里坤

以誠馭詐致相輕

阿逆竄跡哈薩克勢將就縛乃以

實按兵待獻遂失事會而厄魯特宰桑之哈薩纔迴

譎變生戊己駐營攜少卒

爾時兆惠為副將軍駐兵濟

守伊犁等處而已猝值叛賊螳螂怒臂阻前程直何

畏曲中宵出一可當千眾賊驚竟得全師逢接騎整

軍後入大功成

庫隴癸之戰

庫隴癸附近伊犁我師三入勦賊時叛黨昂克圖

塔爾巴等四宰桑據險藏匿兆惠所率將士纔八

十餘人夜進山口鏖戰時曉霧迷漫布庫圖特克

爾得克二宰桑脫身逃去其餘悉被斬獲時戊寅

三月十六日也

威弧有事射天狼三穴窮追那許藏挺險賊人雖鼠

竄擣虛士氣正鷹揚五更直襲屯營寨兩騎先收牧

馬羊兆惠於奪險攻賊時分遣侍衛扎延保投誠厄魯特達什車楞二人收其牧羣以故賊不能脫

以少擊多張撻伐將軍誠勇著旂常

通古思魯克之戰

霍集占兄弟負恩各據城反將軍兆惠既定庫車

烏什等遂直抵葉爾羌薄城南賊眾馬步二萬餘
兆惠所領兵不過三千率以渡黑水河者纔五百
騎迎敵血戰適喀什噶爾賊黨後至我軍遂結營
固守經冬涉春己卯正月援兵繼進克敵奏功故
繪通古思魯克之戰以紀攻伐葉爾羌回城初交
遇險之始事云

兩回會昔因莎車得地忘恩應去聲剪除赤翟蜂屯助

白翟僑如狼顧庇榮如渡河騎卒五百耳背郭賊將

二萬餘守壘竟同援兵進時副將軍富德奉命領兵在道因命速進赴援而參

贊大臣阿里衮所辦巴里坤馬亦刻期至軍營遂大
敗賊人兆惠等全軍已出然計我師掘壕守險已及
百日矣忠誠迴憶益欷歔

霍斯庫魯克之戰

逆酋因葉爾羌喀什噶爾既破失其巢窟悉眾逃
竄參贊大臣公明瑞於閏六月十五日選兵邀截
偵知兩會暫息塞爾古勒是地為去拔達克山安
集延兩處之要路時二會欲赴拔達克山而賊之
眾伯克悉力窮追至霍斯庫魯克賊避其輜重婦
子以六千人登山成列我軍先至者九百騎即奮

勇仰攻轉戰三時斬馘數百俘其男婦駝馬賊遂
轉向拔達克山一路而逃明瑞仍督兵追躡後會
副將軍富德等軍有阿爾楚爾伊西洱庫爾淖爾
等處之戰

回城既定進追兇雙耳山前竄跡逢

同語霍斯庫魯克者華言雙耳

也賊已六千橫據嶺兵纔九百仰攻峯遮回安集延
逃路直躡拔達

平聲

山去踪將卒同心奮敵愾千秋國

史勒勳庸

阿爾楚爾之戰

二會於霍斯庫魯克爲明瑞所創懼我師勇銳難
當設伏於阿爾楚爾兩山峯頂以待我師時富德
明瑞等軍皆合諸大臣集議衆寡相殊彼又先據
險要非整旅結陣難出萬全因以健銳營火器當
其中堅更張兩翼設奇兵統計以三千人之衆克
敵致果所傷者一卒殺賊至千餘人陣斬其大伯
克數十始披靡逃竄急追躡之遂及之於伊西洱
庫爾淖爾

霍斯庫魯遁餘魂合旅窮追至水源蕃部勤王隨契

茲

時布魯特皆隨軍為嚮道

旗軍勵志定堅昆蚩尤所恃依重險

風后宛同握八門健銳營兵精火器雪山倏作陸渾

原

伊西洱庫爾淖爾之戰

我師乘勝追賊七月十一日抵伊西洱庫爾賊復據山阻水此地山高石危淖爾緣邊僅容單騎大和卓木波羅泥都先據山嶺為往拔達克山之計小和卓木霍集占以眾賊阻絕淖爾隘口與我對敵我兵分布攻擊豎纛招降眾賊跳崖丐命阻水

者蹂躪淤泥中霍集占止之不能遂奪馬繞山會其兄遁往拔達克山我軍直壓其境索取賊魁自是之後兵不血刃矣

三交三勝武貔雄

霍斯庫魯克阿爾楚爾及此凡三戰皆以少勝眾

黠鼠徒

嗟五技窮一綫汧溪進魚貫千尋列嶂突蠶叢遊魂釜底雖潛脫馳檄天邊竟定功葳事追思臨事慎持盈永以勵深衷

欽定皇輿西域圖志卷首三

欽定皇輿西域圖志卷首四目錄

天章四

紫光閣五十功臣像贊

有序

附奉

勅恭撰紫光閣次五十功臣像贊

并跋

陳恭懋紫光閣太正十夜百餘贊

奉

紫光閣五十功臣像贊

天章四

欽定皇輿西域圖志卷首四目錄

欽定皇輿西域圖志卷首四

天章四

紫光閣五十功臣像贊

西師之役賴

天佑乘時運資衆力拮据孽畫幸底厥績固非予一人

所敢逆料敢期必也然稍可以謝衆論愜深衷者

無他則以賞罰信而應機速耳語曰日中必昃操

刀必割言應機宜速也書曰罪疑惟輕功疑惟重

言賞罰宜信也機之來發於無窮之源而應以萬

變之極蓋難言之若夫信賞罰似非難事而亦有
所難者則以不能因物付物有所容心於其間耳
且罪疑而後從輕若不疑而亦從輕則偷生者何
懼焉功不疑而從重其理固當然涉疑而屢從重
則冒賞者生心而真功反有向隅者矣是知疑不
可也夫不疑而功惟真功賞斯重焉罪惟真罪罰
斯必焉則捨命灰軀冒矢石投鋒鏑之倫孰不勸
以懲乎茲者事定功成寫諸功臣像於紫光閣朕
親御丹鉛各系以贊不過譽不尚藻惟就諸臣實

事錄之並闡其義如右雲臺二十有八凌煙閣二
十有四而此五十人者則以國家中外一統宣力
者衆然此猶舉其尤赫者若夫斬將搴旗建一績
致一命者亦不忍其泯滅無聞將亦圖其形而命
儒臣綴辭焉

大學士一等忠勇公傅恒

世胄元臣與國休戚早年金川亦建殊績定策西師
惟汝予同鄴侯不戰宜居首功

定邊將軍一等武毅謀勇公戶部尚書兆惠

金定皇朝西域圖志 卷首四
濟爾哈朗喀喇烏蘇兩番襲迫均保無虞以智濟險
以誠感衆卓哉崇勳闢我提封

原定北將軍一等誠勇公兵部尙書班第

元戎率師平定伊犁而何阿逆叛亂乘危變出不期
投軀西漠故里櫛歸痛哉酌酌

原靖逆將軍三等義烈公工部尙書納穆扎爾
我懷賢勞命將往代正值黑水猖獗鼠輩以二百衆
陷萬賊中因緣狗節勇濟以忠

定邊右副將軍親王品級超勇郡王策布登扎

布
拍馬彎弓無敵所向不曾讀書如古名將和洛霍斯
少勝衆彼超勇親王額駙之子

定邊右副將軍一等靖遠誠勇侯理藩院尙書

富德

古云福將信有其言所過均吉勇冠軍門不寧一勇
兼善於謀吉林拔萃特賜封侯

原定遠右副將軍二等超勇伯內大臣薩拉爾

彼中宰桑識時早歸副帥以往克贊戎機拔身戰出

不忘本朝云胡不死責備則澆

原大學士三等忠勤伯陝甘總督黃廷桂

外任封疆內司綸綍俾理儲胥經權弗緇殫誠盡智
事協予心未同凱宴痛惜曷任

叅贊大臣和碩親王固倫額駙色布騰巴爾珠

爾

惟科爾沁世連嫫戚魯館承訓王庭宣力叅贊軍務
賊營夜侵中創弗退嘉乃忠心

叅贊大臣固山貝子扎拉豐阿

準夷之叛奉命在道賊遮中途屢戰不撓其志旣篤
其材亦英蓋自髫年教養禁廷

叅贊大臣扎薩克多羅郡王羅卜藏多爾濟
渭陽所出扎薩穎材命帥本部宣力龍堆及愛隆阿
單騎見虜降哈薩克厥功甚鉅

叅贊大臣多羅郡王額敏和卓
土魯番族早年歸正命贊軍務以識回性知無不言
言無不宜其心匪石不可轉移

叅贊大臣工部尙書舒赫德

金定皇朝西地圖志 卷首四
屢受重寄亦屢左遷厲厥意懦策厥材賢白衣白水
間黑水信安衆進援爵秩重晉

叅贊大臣一等果毅公兵部尙書阿里袞

富德入援次呼爾璊趨行戈壁馬不進焉以馬濟軍
敵行夜襲同事建績曰鄂博什

原叅贊大臣三等襄勤伯總督鄂容安

世臣知書料善論兵惜弗通語遂弗燭情變起倉卒
力戰命畢用違其材實予之失

華夷叅贊大臣一等承恩毅勇公戶部侍郎副都統

睿傑 明瑞

椒室懿親年少志雄謂可造就俾學從戎獨出獨入
旣忠且壯屢立宏勳愜予所望

叅贊大臣工部侍郎副都統阿桂

阿克敦子性頗捷敏力請從戎宜哉惟允身不勝衣
心可干城楚材繼出爲國之楨

原叅贊大臣三等子戶部侍郎副都統三泰

率二百人共詣軍營臨敵而退寧謂忠誠如早聞信
何致殞身不前不後失二賢臣

原叅贊大臣前鋒統領騎都尉又一雲騎尉鄂

實

其兄徇節其弟忍使欲報兄讎固請不已黑水之挫復以捐身超雪前罪賞延後昆

領隊大臣內大臣博爾奔察

夔鑠請行索倫巨擘挽五石弓尙能殺賊如鷲之擊不留飛鳥馬援來歸殊恩榮老

原領隊大臣安西提督總兵官豆斌

宿將行間久矣宣力所董綠營遵其律則隊中獨喪

是有命焉裹創慰衆益厯哀憐

原領隊大臣甘肅提督總兵官高天喜

爪牙之將用不拘資感予特達効命何辭百戰百進義弗旋踵怒則面赤是謂血勇

領隊大臣副都統塔什巴圖魯端濟布

將軍黑水先衆徑渡固營待軍實端濟布衆寡稍挫倉卒周防奪回人馬勇且謀長

領隊大臣護軍統領愛隆阿

將門傑種拍張撫髀受將軍檄力戰全歸整師再進

賈勇陷堅弟巴靈阿盡節軀捐

領隊大臣前鋒統領墨爾根巴圖魯瑪瑯

侍衛從征奇功屢立雖賊萬眾單騎直入陷陣馬仆
距躍彎弓賊人咋舌稱天上雄

領隊大臣內大臣副都統巴圖魯濟爾噶爾

都爾伯特部中傑驍嘉其心直授職本朝凡與交戰
義弗返顧師濟和闐不孤恩遇

散秩大臣穆爾德木圖巴圖魯齊凌扎布

旗籍蒙古偏校從軍殺賊則奮鶻入鴟羣與噶布舒

分守和闐保眾集事且有謀焉

散秩大臣哈坦巴圖魯噶布舒

躍馬抨弧先鋒鏖陣入俄羅斯得阿逆信和闐既定
論功策勳衣錦歸籍散秩大臣

副都統噶畢雅圖巴圖魯額爾登額

軍門統事諸務勤宣亦能力戰突將無前入拔達山
索逆回馘曉諭殊方是其偉績

郡王霍集斯

奉元戎檄擒達瓦齊後稍觀望旋迎我師同大軍進

被圍黑水回部望族居之京邸

貝子鄂對

平伊犁時歸順勤王回部傑出其心允良往諭和闐
被圍三月共噶布舒全守卓越

內大臣鄂齊爾

前無堅對後無返思持稍一呼千賊披靡揚揚英氣
洸洸偉身與薩拉爾蓋同部人

散秩大臣喀喇巴圖魯阿玉錫

於格登山賊據險守率廿四人間道襲後諸賊大潰

爰以成功本厄魯特降順効忠

原散秩大臣騎都尉達什策凌

衛拉從征啞啞叱額駙受創衛護以出用賜殊恩
用益奮感畢命回城每懷惻慘

副都統鄂博什

索倫營總乙亥出師老而益壯頗識戎機厄魯回部
胥聞其名聳身馬上如擊兔鷹

副都統圖布巴圖魯溫布

生不知懼戰不知退亦不受傷銅額鐵背弓可擔水

箭如鏖鏘溫侯名布是耶非耶

副都統克特爾克巴圖魯由屯

本射生手狼不暇走以之殺賊如探囊取奇功屢建亦因閱歷世職崇階酬其勞動

原副都統騎都尉又一雲騎尉三格

渾齊全遯疎防降謫從軍贖罪每戰必力黑水殞命豁罪論功圖象紫光表忠無窮

原頭等侍衛舒布圖鎧巴圖魯奇徹布

包沁之叛千賊一身賜巴圖魯昉乎斯人後復屢戰

喪哈薩克始終於是曷勝悼惜

頭等侍衛博克巴圖魯老格

哈薩錫拉叫訖稱亂趨羊適過以計解難後復從軍屢戰屢進單馬衝突獅子奮迅

頭等侍衛墨爾根巴圖魯達克塔納

庫車圍攻命守要害偵賊來援周防以待賊卻乃前賊前乃卻引至大隊是驟是膊

頭等侍衛薩穆坦

厄魯劫運構釁互戕識時拔出致力疆場首被掄選

往拔達山譯語曉譬共索馘還

原二等侍衛固濟爾巴圖魯雲騎尉滿綽爾圖捉生以出被回所遮衆寡不敵矢盡堪嗟罵賊以死雖死猶生時共事者達什策凌

二等待衛哈朗圭巴圖魯塔瑪鼐

聞戰則喜無生有死五易馬進終弗却視身不及膽心則乏謀用以衝陣勝五百牛

原二等待衛哈布台巴圖魯富錫爾

三巴圖魯於中之一要遮色楞忽墮其術不及彎弓

白刃揮霍猶斬數人之死弗卻

二等待衛額爾克巴圖魯海蘭察

烈風掃枯迅其奚難亦賴衆傑摧敵攻堅於塔巴台射巴雅爾是其偉績勇鮮倫比

原二等待衛雲騎尉富紹

黑水築柵未畢賊侵蜂屯蟻雜攘攘林林特將軍令意氣昂藏來往慰衆銃殞堪傷

三等待衛賽音博勒克巴圖魯扎奇圖

狗盜雞鳴孟嘗不棄竊馬何害用人之際間道達檄

首遴斯人雙雄比肩衝出萬軍

三等待衛什倫哈什哈巴圖魯阿爾丹察

騎二駿馬縱兩神鶻回如瓦雀伏不敢發共扎奇圖
左旋右抽卒致軍信効力獨優

三等待衛卓里克圖巴圖魯五十保

軍檄再發更掄五英馳驛餘月迅至北京捨身報國
不可數算舉其尤者圖形作贊

附奉

勅恭撰紫光閣五十功臣像贊

并跋

叅贊大臣一等誠勇公都統巴祿

準部回城咸懼將種。慟父殞賊。殺賊逾勇。兩世濟
美同上凌烟。古稱定遠。其何有焉。

叅贊大臣杭州將軍福祿

戰呼爾滿。險艱戮力。逮駐和闐。亦資部勒。出勦贊
畫。入晉庸封。移鎮武林。旌節雍容。

原領隊大臣甯夏將軍一等子和起

整旅追亡。計擒巴雅。肘腋釁成。曰維呢嗎。一翎歸
報。嘆喑如生。罪人斯得。刳祭於塋。

參贊大臣喀爾喀扎薩克和碩親王桑寨多爾濟

藩郡名王。英姿卓爍。繕邊助討。匪渝其恪。濛瀛冠帶。檄調不繁。歸爾屏翰。以鑰北門。

參贊大臣喀爾喀扎薩克多羅郡王車木楚克扎布

朔方藩衛。忠愨夙敦。收烏梁海。甌脫氣吞。更躡叛魁。青滾雜卜。五等既崇。三遷彌速。

原領隊大臣都統滿福

言率新附。渠酋是擒。而何汙裸鼠首狼心。遇伏不撓。穿齷賊輩。睽彼陣雲。精英豈味。

領隊大臣甘州提督闔相師

薄庫車門。石著於額。屹不為動。觀者舌咋。葉羌之役。虛擣亢批。雄姿偉幹。足鎮關西。

領隊大臣哈密郡王品級貝勒玉素富

筠中望族。作蕃伊昔。以通回情。軍諮是擇。六城既納。二豎焉逃。其鎮烏什。犬不夜嘯。

頭等侍衛副都統西朗阿巴圖魯查拉豐阿

手格猛虎。曾不色變。矧驅羣羊。窮回敢面。昔巴圖魯。曰丁將軍。孫西朗阿。克紹前聞。

領隊大臣副都統瑚爾起

突擒渾齊。其氣如虹。及降勃律。烏幕占風。圍解和闐。戰塵大食。靡蝮而登。威著西域。

原領隊大臣副都統阿敏道

逆回反噬。狂同猘狗。往論變生。恥污賊手。裂毗唾詈。止水明操。阿克蘇河。猶聞怒濤。

副都統墨爾根巴圖魯伍岱

轉戰朔庭。鎧盡蟻蚤。射昂可圖。組縻尺一。拔戟成隊。績著回中。摧堅入險。積健為雄。

副都統觀音保

濟爾哈朗。力固噶蘭。喀喇烏蘇。襲迫復完。眾謂神兵。出兩奇厄。論據守功。兵一賊百。

領隊大臣肅州鎮總兵官五福

礮車失衛。謫官示懲。輜重克全。復鎮旌能。功於過觀。瑕不瑜匿。况同苦甘。允率爾職。

回部公和闐阿奇木伯克阿什默特

烏什右姓。負努最先。偕我虎臣。往收和闐。風鶴之時。孤城兀守。嘉此忠勤。俾勸爾後。

回部公喀什噶爾阿奇木伯克噶爾默特身本回族。願効前驅。軍門再款。道梗勿渝。出入諸艱。始終一節。列爵專城。以旌英傑。

前鋒叅領特古爾得爾巴圖魯良音太焚箐轟碉。金川著績。歷戰西陲。每當鋒鏑。準夷旣喙。回部斯瞳。所向披靡。健銳之英。

署叅領額爾克巴圖魯巴岱

搯搏羅特。賊魁莫遁。迨捍和闐。獨入其郭。墜馬驍騰。裏創草草。猶左右射。應弦輒倒。

協領布彥圖巴圖魯布爾哈

掉鞅伊犁。彎弧洱海。入陣拍張。不煩厲乃。踰溝拔寨。斂礮傾臺。肯辜纓組。檢生始迴。

察哈爾總管蘇朱克圖巴圖魯納蘭圖

隨征絕漠。戰則請前。旋上和門。計級絜然。手奪賊鎗。還以刺賊。渾齊之追。厥功尤特。

原領隊大臣察哈爾總管坤都爾巴圖魯巴

寧阿

見賊輒怒。如刺必拔。戰布拉齊。矢石交戛。奮身揮突。竟殞賊中。旣鬪叛首。祭以報忠。

索倫總管齊達克齊巴圖魯阿爾哈爾沁

背城阻水。兼臨斷橋。濡泥入坎。神力獨超。歷事戎行。金創常滿。遂由伍卒。洊階總管。

索倫總管哈坦巴圖魯薩壘

重圍趣援。銜枚聽令。閱五日夜。衝鋒彌勁。不寧惟是。軍伐夙優。招三戎部。蹙兩叛酋。

原索倫總管賽沙爾泰巴圖魯扎爾善

黑水一約。躍馬橫戈。如入無人。格殺獨多。詎云力盡。結纓氣倍。烏孫大宛。屢試功在。

索倫佐領克圖爾克巴圖魯諾滿察

追固爾板。戰哈薩克。手與賊持。縱銜弛勒。屢躡屢起。卒俘以還。征袍不解。創血常殷。

頭等侍衛什爾瑪海巴圖魯德爾森保

桓桓虎賁。擢儁龍江。回湟濟師。鞚飛駿駢。屢蹴逆渠。誓作菹醢。實副嘉名。什爾瑪海。

頭等侍衛塔蘇爾海巴圖魯占頗圖

修羅障日。恃其有手。一矢洞之。血及於肘。射巴雅

爾。能事不虛。問所挽弓。十四力餘。

頭等侍衛固勇巴圖魯伊薩穆

援兵雖來。畫塹相望。孰騎而呼。為告無恙。維巴圖

魯。偕往趣師。其衝賊隊。如分水犀。

頭等侍衛克什克巴圖魯伍克什爾圖

預軍門選。聯鑣致書。纏頭幾萬。翩如入虛。達克阿

蘇。趺將及膝。鉛彈在背。至今未出。

三等侍衛克爾車赫巴圖魯沙津察

誰從問道。同緘蠟丸。瞋目大叫。勢無萬難。矢石之

交。得路一綫。克爾車赫。洵稱膽練。

三等侍衛坤都爾巴圖魯扎敦察

超距長才。且戰且走。非突圍者。乃斬關手。待我具

五。壯哉此行。奚啻同袍。蓋心膽并。

頭等侍衛丹巴巴圖魯莽喀察

控弦疆場。橫槩沙磧。還經黑水。中流投策。蠡屯蟻

聚。跳盪隻身。捉生燒寨。勇著索倫。

頭等侍衛布哈巴圖魯齊里克齊

行不旋顧。戰不待援。既征朔漠。還使西宛。萬里折衝。千夫辟易。錫號布哈。實惟名覈。

頭等侍衛卓里克圖巴圖魯額訥慎

一戰伊犁。再呼爾滿。搜身入賊。賊營夜翻。被刺者三。槍痕斜豎。牌以紀功。勇猶可賈。

原頭等侍衛瑚集圖

以五十人。斷河源路。七千餘衆。莫敢泅渡。既彰嘉績。還送急徵。遇賊捐軀。悼惜曷勝。

山北原二等待衛克丑巴圖魯寧古禮

羽林材武。奮跡巖疆。單騎采入。捷若探囊。花門喋擢。黑水礮奪。裹革而還。生氣咄咄。

原三等待衛伊德爾巴圖魯奎瑪岱

枕戈幕庭。有進無退。更隨大帥。馳壁往代。長蛇封豕。首塗告偵。死綏倉猝。猶揮短兵。

原三等待衛特通額

絕徼折衝。志存幹蠱。所向無前。不待桐鼓。渡河溝險。矢盡於房。罵賊以殉。嚼齒勿忘。

原藍翎侍衛莫寧察
畧地湟中。嘯聚云駭。霹靂竝鳴。箠無餘筭。一間老
屋。固壘坐焚。崑岡貞玉。氣尙干雲。

二等侍衛丹巴巴圖魯那木查爾

于思棄甲。誰當一隊。徑率百人。攻其腹背。手取回
礮。回膽盡寒。鐵繡模糊。橫捎左鞍。

二等侍衛特古思巴圖魯塔泥布

唾手縛賊。賊莫能奪。引身救人。人無不脫。西拔達
山。北俄羅斯。獨來獨往。繫特古思。

二等侍衛哈什哈巴圖魯瑪格

往來哈薩。訖於諸回。長身善戰。辰韓異才。肉薄葉
羌。築堡自繕。凡三閱月。獨當一面。

二等侍衛哈什哈巴圖魯達爾漢

齊爾哈朗。如蘂生苞。提幾步卒。突出前茅。諭賊捐
身。驚呼健者。舊隸名蕃。達什達瓦。

三等侍衛卓克托巴圖魯恩特

初從參贊。追奔漠北。復從將軍。蹴圍西極。路逾萬
里。時閱百旬。洗甲蒲昌。餘癥滿身。

里。三等侍衛西爾庫濟巴圖伊魯達木扎布

飲飛之杰。凌厲朔陲。諭降別部。介馬而馳。援呼爾
端。躡伊西洱。彼竭我盈。么磨魄褫。

三等侍衛庫爾察巴圖魯茂漢

北路西川。舊勞弗替。載進祁連。新庸孰逮。阿爾泰
嶺。瑪那斯河。訥可之獲。其功實多。

三等侍衛舒都拉呼巴圖魯西爾庫爾

龍武健士。袴褶從戎。戰終十數。甲不一衷。古亦有
言。殺敵致果。聞桴躍鞍。金瘡未裹。

原三等侍衛拜達爾

別將百人。往探回窟。遇賊輒殲。如手捫蝨。塵兩晝
夜。入圍出圍。英姿颯爽。仗節一揮。

原藍翎侍衛舒倫巴圖魯喀拉

偕拜達爾。結隊前鋒。射生被遮。援絕數重。焚柵踏
火。火烈具舉。望者睥眦。謂目光炬。

藍翎侍衛固濟爾巴圖魯伊登古

躡巴雅爾。戰不避艱。追霍集占。抵拔達山。顯號克
膺。宜固濟爾。用厲顏行。成勞是紀。

臣等伏覩我

皇上懋膺

天貺。丕纘

前猷。炳

睿哲於先幾。攄

神謀於獨斷。自相臣將臣。下逮什伍兜鍪之士。靡不

稟承

方畧。赴會投時。是以歲未五周。蕩平準噶爾。訖諸回

部。

豐庸偉伐。伊古罕臻。暨乎告

廟策勳。

上親第其著績尤赫者五十人。圖形

紫光閣。

御製序贊系之。重示褒異。其在事宣勤効命。有成勞

堪紀者。雖功以次及。而數亦如之。則

勅臣等臚名撫實。續爲之贊。臣等間考漢之雲臺。唐

之凌煙閣。其事羶薌志乘。然所稱建豎非常。足

副鉅典者。指不多屈。其他率叅以侍從勛階。際

會成功之侶。裁取備數。數又不越二十餘人而止。以視

今日之銘竹帛。繪丹青。嶽嶽泐泐。焜燿後先者。詎可向年語哉。

皇上建伊古未有之大業。垂伊古未有之

至文。傳信所資。義無溢美。臣等纂言載筆。敢有侈矜。顧惟幕府之捷書。兵曹之功牒。章章具在。設以五十人中分舉一二。置古圖畫間。不知如何鋪

張藻績。以爲英奇卓越。擅一代之閔規矣。夫功以次及者如是。況其著績尤赫者哉。況其雄姿輩出。奄有百人者哉。旨哉

聖訓有云。中外一統。宣力者衆。臣等跽誦繹思。竊謂由

國運之隆。始致人才之盛。而得人才之盛。益以翊國運之隆。嗣時億萬斯年。顯融懿燦。熙

鴻號於無疆。信有徵也。臣等軫陋下材。叨塵樞禁。茲獲奉

詔颺言綴名簡末。無任榮幸。無任惶悚。臣劉統勳臣
劉綸。臣于敏中恭跋。

欽定皇輿西域圖志卷首四

